

# Polterovend

Musik und Text: R. Hömig/ Bläck Fööss

## Refrain:

**Hück es Polterovend en d'r Elsaßstroß  
denn d'r Pitter hierot morje et Marie.  
Dat Marie hätt' ich su jän för mich jehat,  
ich han et och probeet, doch mich, mich wollt' et nie.**

Wie et em Levve off esu jeit, mer lurt, wat en d'r Zeidung steit.  
Hück stund en Annonce do dren, ich dach, mich tritt e Päd vür't Kenn.  
Dä Pitter Hippenstiel us Goch hierot et Marie dis woch.  
Dat kann doch ja nit möglich sin, dä Typ, dä muß ich sin.

Wat hät dä dann, wat ich nit han. Wie schön mag dä wohl sin?  
Do denk ich mir jet Feines us, ich jläuv, do jon ich hin.

Refrain: Hück es Polterovend ...

Ach, Marie, ach, Marie, mir deit et Hätz su wih.  
Wie jän hätt' ich met dir dis Naach de Stroß jefäch  
doch met mir, doch met mir, do wollt'ste nie.  
Doch met mir, doch met mir, do wollt'ste nie.

Ich han 'ne LKW bestellt vun mingem allerletzte Jeld,  
dä hät en janze Ladung Schutt dann denne vür de Dür jeschott.  
En jode Mischung Sauerei, jenujenomme fünferlei:  
Hausmüll, Altöl, Schrott un Kies, jot jemengk met Buuremeß.  
D'r Pitter hät dä Dreck jefäch, un ich han et Marie  
drei Stunde en de Kneip' entführt un Spaß jehat wie nie.

Refrain: Hück es Polterovend ...

Ach, Marie, ach, Marie ...

© Bläck Fööss

Zitat Bläck Fööss: "Die Nutzung dieser Texte für private Zwecke ist ausdrücklich erlaubt und erwünscht. Jedwede kommerzielle Nutzung gleich welcher Form bedarf jedoch grundsätzlich unserer Zustimmung."